

(XXXVII)

Kafetegia itxita dago

... (Lehenengo orritik dator)

Zuek badakizue ni beti mareatu egiten naizela autobuse-tan, eta oraingoan ere horrelaxe suertatu zait. Amaitu da barnetegian egin dugun egonaldia eta, etxerako bidean, autobus bidaia horretan guztiz lur jota geratu naiz: gonbito-ka, aurpegia berde, aurpegia hori, aurpegia zuri...

-Zu bai zarela benetan txotxoloa! Eta zergatik ez duzu zer-bait hartzen ez mareatzeko? -errieta egin dit gogotik adiskide horrek-. Ez al dakizu aspaldi samar asmatu zirela pastilak ez mareatzeko?

-Bai.

-Eta orduan?

-Ba, orduan ezer ez. Kontua da etxera itzultzeko gogoa alde batetik eta nuen urduritasuna bestetik... ba, ahaztu egin zitzaidala pastilaren kontu hori.

-Ikasiko duzu hurrengorako.

-Bai, bestela...

Esan bezala, etxera iritsi nintzen (egia esan ez dakit oraindik ere nola lortu nuen etxeratzea) eta gurasoei ia agur egin gabe ere zuzen-zuzenean oheratu nintzen. Eta horrela eman dut ia egun eta erdi: ohean geldi-geldirik, mugitu gabe, begiak itxita. Egia esan, autobu-sean bezala. Berririo iruditzen baitzitzai-dan autobusean nindoala: pasilu erdian luze bezain zabal lurrean etzanda, mugitzeke eta begiak itxita. Ez nintzen ezertaz jabetzen.

Risky eta bere lagunak

Testua: Joxemari Iturralde Marrazkia: Mattin



-Ez al zinen, ba, enteratu zer gertatu zitzaigun biderdian geldialdia egin genuen?

-Ez. Zer gertatu zen?

-Ba, hainbeste ordu autobus zahar hartan sartuta, hain-beste kilometro egin ondoren gelditu gabe... aspertzen hasiak ginela. Ordurako denok genuen -beno, denok zuk

ezik- pixa egiteko gogoa eta gose ginenez txoferrari eta irakasleei hasi gintzaizkien eskatzen mesedez geldialdixoren bat egiteko, kafetegi baten parean guk zer bait jan eta edan gene-zan.

-Eta?

-Azkenean lortu genuela txofe-rrak geldialdi bat egin zezan. Eta kafetegi bakar bat zeukan herri txiki batean geratu ginen.

-Eskerrak.

-Ez. Ezer jan eta edan gabe itzuli ginen denok autobuse-ra.

-Zer ba?

-Kafetegiko jabeak, autobus batetik 80 ikasle builaka jaisten ikusi orduko, atea itxi zigulako eta handik desa-gertu zelako... autobusak berriz alde egin zuen arte!



Horoskopoak



aries

martxoak 21 - apirilak 20

Amodioa: Zuen artean badago zer bait.
Paga: Dirua? Dirua? Ez dakizu besterik!
Osasuna: Janaria bota? Inola ere ez!!
Ikasketak: Liburuek maite zaituzte.



taurus

apirilak 21 - maiatzak 20

Amodioa: Emoistasu musutxue, maitie...
Paga: Nola aurreztu? Etxean geratuta.
Osasuna: Aukeratu: sagarra edo laranja.
Ikasketak: Txuleta? Harrapatzen bazaitu.



gemini

maiatzak 21 - ekainak 20

Amodioa: Hitz egiozu irteera orduan.
Paga: Ez begiratu txanpona. Gorde!!
Osasuna: Utz ezazu behigoz txikle hori!
Ikasketak: Eman egurra liburuiei!!!



cancer

ekainak 21 - uztailak 20

Amodioa: Eskuak? Atzaparrak dituzu.
Paga: «Ama!», «Aita!»... Aspertuko dituzu.
Osasuna: Umore ona osasungarria da.
Ikasketak: $3 \times 7 + 9 \times 5 =$ asmatuko al duzu?



leo

uztailak 21 - abuztuak 23

Amodioa: Izan zaitetz xamurragoa.
Paga: Beti gastatzen. Aski da!!
Osasuna: Gauetan pasea zaitetz.
Ikasketak: Oporren aurretik ekaina dago.



virgo

abuztuak 24 - irailak 23

Amodioa: Mezutxoak bidaltzen, e?
Paga: Dirua aurreratzeke garai txarra.
Osasuna: Lo egin. Beharko duzu.
Ikasketak: Lan txukuna aurkeztuko duzu.



libra

irailak 24 - urriak 23

Amodioa: Tenisa maite duela? Zuk ere bai.
Paga: Mimoak egiten ikasi, eta udan...
Osasuna: Zaindu bizkarra. Zuzen eseri.
Ikasketak: Zer moduz etxeko lanak?



scorpius

urriak 24 - azaroak 23

Amodioa: Berak irribarre? Gogoko zaitu.
Paga: Gurasoen poltsikoak begiratu.
Osasuna: Abestu nahi baduzu... aurrera.
Ikasketak: Eskolan bai, baina burua?



sagittarius

azaroak 24 - abenduak 23

Amodioa: Bisita merienda orduan.
Paga: Burtsan jaiotakoa zarela dirudi.
Osasuna: Garbitu galtzerdiak! Aaaaahh!
Ikasketak: Zure beldur dira liburuak.



capricornius

abenduak 24 - urtarrilak 20

Amodioa: Eskain iezaiozu abesti bat.
Paga: Itzali sakelako telefonoa.
Osasuna: Ikusmena azter ezazu.
Ikasketak: Alaitu aurpegi hori!!



aquarius

urtarrilak 21 - otsailak 18

Amodioa: Ez duzu telefonoa askatzen, e?
Paga: Kutxazainera bisita ugari.
Osasuna: Laztanak? Gaixoarena egin.
Ikasketak: Aisialdirako tarteak hartu.



piscis

otsailak 19 - martxoak 20

Amodioa: Maitasunaren mezularia??!!
Paga: Negozio itzelak utzi alde batera.
Osasuna: Noiz utziko diozu kexatzeari?
Ikasketak: Zure liburuak triste daude.